



Agency for Development of Higher Education and Quality Assurance of Bosnia and Herzegovina

Broj: 05-33-2-250-9/20  
Banja Luka, 28.10.2020. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“ br. 59/07 i 59/09), u postupku akreditacije visokoškolske ustanove **Visoke medicinske škole Prijedor**, na osnovu prijedloga Agencije za akreditaciju visokoškolskih ustanova Republike Srpske, direktor Agencije za razvoj visokog obrazovanja i osiguranje kvaliteta Bosne i Hercegovine donosi

### R J E Š E N J E

#### o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Visoka medicinska škola Prijedor

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove Visoke medicinske škole Prijedor, u sljedećem sastavu:
  - 1) Prof.dr Dejan Bokonjić, predstavnik akademske zajednice, predsjednik Komisije stručnjaka;
  - 2) Prof.dr Radivoje Prodanović, međunarodni stručnjak, član Komisije stručnjaka;
  - 3) Doc. Dr Slavko Vukić, predstavnik privrede i prakse, član Komisije stručnjaka;
  - 4) Lejla Hairlahović - Hušić, student, član Komisije stručnjaka.
2. Komisija stručnjaka iz tačke 1. u postupku akreditacije ustanove postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/1 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16) i drugih dokumenata Agencije BiH kojima je uređen postupak akreditacije, kao i propisima Agencije za akreditaciju visokoškolskih ustanova Republike Srpske koji su usklađeni sa Okvirnim zakonom i dokumentima Agencije BiH, uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova u Republici Srpskoj.
3. Komisija stručnjaka je dužna obavijestiti Agenciju BiH o dogovorenom datumu posjete visokoškolskoj ustanovi, kako bi se dan prije posjete održao sastanak članova Komisije stručnjaka sa predstavnikom Agencije BiH, s ciljem da se skrene pažnja i izbjegnu ranije uočene slabosti u procesu. Na sastanku bi se Komisija stručnjaka upoznala sa nacionalnim zahtjevima i očekivanjima Agencije BiH kako bi akreditacija ustanove bila realizovana na efektivan i stručan način u skladu sa, pored ostalih pravnih propisa, važećom Odlukom o

kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16) i Odlukom o izmjenama i dopunama odluke o normama kojima se određuju minimalni standardi u području visokog obrazovanja u Bosni i Hercegovini, („Službeni glasnik BiH“, broj 26/19).

4. Komisija stručnjaka dužna je u roku od najduže 30 dana od posjete visokoškolskoj ustanovi u njenom sjedištu u Prijedoru, sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.
5. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji BiH i nadležnoj obrazovnoj vlasti koja je predložila imenovanje Komisije stručnjaka.
6. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim se preciznije razrađuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.
7. Rješenje stupa na snagu danom donošenja.

### O b r a z l o ž e n j e

Agencija za akreditaciju visokoškolskih ustanova Republike Srpske dostavila je 13.10.2020. godine Prijedlog za imenovanje komisije stručnjaka za akreditaciju visokoškolske ustanove Visoka medicinska škola Prijedor, broj: 01/1.3.300-1/20, od 13.10.2020.god., u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija BiH) imenuje Komisiju stručnjaka koja će obaviti posjetu visokoškolskoj ustanovi Visoka medicinska škola Prijedor i na osnovu utvrđenog stanja, dati preporuku o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj 05-02-1-71-1/16 od 28.01.2016.godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da predloženi stručnjaci nisu u sukobu interesa s visokoškolskom ustanovom koja je predmet eksterne evaluacije i da su isti dostupni u narednom periodu u kojem se ima obaviti posjeta visokoškolskoj ustanovi u njenom sjedištu u Prijedoru i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove Visoka medicinska škola Prijedor dužna je primjenjivati Okvirni zakon o visokom obrazovanju u Bosni i Hercegovini kojim su propisane nadležnosti učesnika u postupku akreditacije, Odluku o normama kojima se određuju minimalni standardi i Odluku o izmjenama i dopunama odluke o normama kojima se

određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi u njenom sjedištu i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju, uzimajući u obzir i utjecaj postojećih kvantitativno normiranih indikatora ljudskih i materijalno-tehničkih resursa ustanove na ispunjenost kriterija broj 5 i 6..

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Republike Srpske, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova u Republici Srpskoj.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuju na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji BiH i nadležnoj obrazovnoj vlasti koja je predložila imenovanje. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana i utvrditi tačan iznos naknade za rad Komisije stručnjaka, i rok isplate koji ne može biti prije izdavanja preporuke o ishodu akreditacije od strane Agencije.

**Pravna pouka:**

Protiv ovog Rješenja može se izjaviti progovor direktoru Agencije BiH u roku od 8 dana od dana prijema.

**Dostavljeno:**

1. Imenovanim članovima Komisije stručnjaka
2. HEAARS
3. Sektoru 05
4. arhivi



DIREKTOR  
*Prof. dr. Enver Halilović*  
Prof. dr. Enver Halilović

**BOSNA I HERCEGOVINA - БОСНА И ХЕРЦЕГОВИНА**

**Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka**



**Агенција за развој високог образовања  
и обезбјеђивање квалитета  
Босне и Херцеговине  
Бања Лука**

*Agency for Development of Higher Education and Quality Assurance of Bosnia and Herzegovina*

Broj: 05-33-2-250- //20  
Banja Luka, 05.01.2021. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09) u postupku akreditacije **JU Visoke medicinske škole Prijedor**, i na osnovu Izmjene prijedloga Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji JU Visoka medicinska škola Prijedor Agencije za akreditaciju visokoškolskih usfanova Republike Srpske, direktor Agencije za razvoj visokog obrazovanja i osiguranje kvaliteta Bosne i Hercegovine /u daljnjem tekstu: Agencija) donosi

**R J E Š E N J E**

**o izmjeni rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji JU Visoka medicinska škola Prijedor**

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji **JU Visoka medicinska škola Prijedor**, broj: 05-33-2-250-9/20 od 28.10.2020. godine briše se kao član Komisije **Lejla Hairlahović-Hušić**, student, i imenuje se

**Tea Mioković, student, član Komisije stručnjaka.**

2. Ovo Rješenje stupa na snagu danom donošenja.
3. Ostale odredbe Rješenja broj:05-33-2-250-9/20, od 28.10.2020.godine ostaju nepromijenjene

**O b r a z l o ž e n j e**

U postupku akreditacije visokoškolske ustanove **Visoka medicinska škola Prijedor**, Rješenjem broj: 05-33-2-250-9/20 od 28.10.2020. godine, imenovana je Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji navedene visokoškolske ustanove, u sastavu:

1. Prof.dr Dejan Bokonjić, predstavnik akademske zajednice, predsjednik Komisije stručnjaka
2. Prof.dr Radivoje Prodanović, međunarodni stručnjak, član Komisije stručnjaka
3. Doc.dr Slavko Vukić, predstavnik privrede i prakse, član Komisije stručnjaka
4. Lejla Hairlahović-Hušić, student, član Komisije stručnjaka


Nakon imenovanja Komisije stručnjaka za akreditaciju predmetne visokoškolske ustanove, Agencija je obaviještena o nemogućnosti učešća stručnjaka iz reda studenata, Lejle Hairlahović-Hušić.

Po prijemu Izmjene prijedloga Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditacije JU Visoke medicinske škole Prijedor, br: 01/1.3.300-3/20, od 01.12.2020.godine, Agencija je donijela Rješenje o izmjeni rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji JU Visoka medicinska škola Prijedor, te je u odlučeno kao u dispozitivu.

**Pravna pouka:**


Protiv ovog Rješenja može se izjaviti prigovor direktoru Agencije u roku od 8 dana od dana prijema

ZAMIENIK DIREKOTRA

  
doc.dr. Slobodan Stanić

**Dostavljeno:**

1. Imenovanim članovima  
Komisije stručnjaka,
2. Agenciji za akreditaciju visokoškolskih  
ustanova Republike Srpske
3. Sektoru 05
4. arhivi



**BOSNA I HERCEGOVINA - БОСНА И ХЕРЦЕГОВИНА**

**Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka**



**Агенција за развој високог образовања  
и обезбјеђивање квалитета  
Босне и Херцеговине  
Бања Лука**

*Agency for Development of Higher Education and Quality Assurance of Bosnia and Herzegovina*

Broj: 05-33-2-250-15720  
Banja Luka, 14.06.2021. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09) u postupku akreditacije **JU Visoke medicinske škole Prijedor**, i na osnovu Izmjene prijedloga Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji **JU Visoka medicinska škola Prijedor** Agencije za akreditaciju visokoškolskih ustanova Republike Srpske, direktor Agencije za razvoj visokog obrazovanja i osiguranje kvaliteta Bosne i Hercegovine /u daljnjem tekstu: Agencija) donosi

**RJEŠENJE**

**o izmjeni rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji JU Visoka medicinska škola Prijedor**

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji **JU Visoka medicinska škola Prijedor**, broj: 05-33-2-250-9/20 od 28.10.2020. godine briše se kao član Komisije **Radivoje Prodanović**, međunarodni stručnjak, i imenuje se

**Radivoj Prodanović, međunarodni stručnjak, član Komisije stručnjaka.**

2. Ovo Rješenje stupa na snagu danom donošenja.
3. Ostale odredbe Rješenja broj:05-33-2-250-9/20, od 28.10.2020.godine, kao i prethodne izmjene Rješenja ostaju nepromijenjene.

**O b r a z l o ž e n j e**

U postupku akreditacije visokoškolske ustanove **Visoka medicinska škola Prijedor**, Rješenjem broj: 05-33-2-250-9/20 od 28.10.2020. godine, imenovana je Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji navedene visokoškolske ustanove, u sastavu:

1. Prof.dr Dejan Bokonjić, predstavnik akademske zajednice, predsjednik Komisije stručnjaka
2. Prof.dr Radivoje Prodanović, međunarodni stručnjak, član Komisije stručnjaka
3. Doc.dr Slavko Vukić, predstavnik privrede i prakse, član Komisije stručnjaka
4. Lejla Hairlahović-Hušić, student, član Komisije stručnjaka

Nakon imenovanja Komisije stručnjaka za akreditaciju predmetne visokoškolske ustanove, Agencija je obaviještena o nemogućnosti učešća stručnjaka iz reda studenata, Lejle Hairlahović-Hušić. Po prijemu Izmjene prijedloga Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditacije JU Visoke medicinske škole Prijedor, br: 01/1.3.300-3/20, od 01.12.2020.godine, Agencija je donijela Rješenje o izmjeni rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji JU Visoka medicinska škola Prijedor.

Nakon što je doneseno pomenuto Rješenje o izmjeni rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji predmetne visokoškolske ustanove utvrđena je tehnička (slovna) greška, te je u odlučeno kao u dispozitivu.

**Pravna pouka:**

Protiv ovog Rješenja može se izjaviti prigovor direktoru Agencije u roku od 8 dana od dana prijema Rješenja.

**Dostavljeno:**

1. Imenovanim članovima  
Komisije stručnjaka,
2. Agenciji za visoko obrazovanje  
Republike Srpske
3. Sektoru 05
4. arhivi

